

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4-1429-6/20

Datum: 03.04.2020.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1. i 3. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke sredstava za dezinfekciju, putem pregovaračkog postupka bez objave obavještenja o nabavci, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**O IZBORU PONUĐAČA I DODJELI UGOVORA**

1. Prihvata se preporuka Komisije za sukcesivne javne nabavke i ugovor za javnu nabavku sredstava za dezinfekciju za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču R&S d.o.o. Sarajevo za ponuđenu cijenu od 9.800,00 KM bez PDV-a
2. U skladu sa članom 70. stav 6. Zakona o javnim nabavkama („Službeni glasnik Bosne i Hercegovine”, broj 39/14), ova odluka će biti objavljena na web stranici Ministarstva unutrašnjih poslova Kantona Sarajevo i istovremeno upućena ponuđaču koji je učestvovao u postupku nabavke.
3. U skladu sa članom 98. stav 2. tačka a) Zakona Uprava policije Ministarstva unutrašnjih poslova Kantona Sarajevo će dostaviti na potpis Ugovor izabranom ponuđaču nakon slanja ove odluke.

**Obrazloženje**

Na osnovu Odluke broj: 02-11-4-1429/20 od 20.03.2020. godine, proveden je pregovarački postupak bez objave obavještenja o nabavci sa jednim ponuđačem za nabavku sredstava za dezinfekciju za potrebe Uprave policije Ministarstva unutrašnjih poslova Kantona Sarajevo.

Zbog dokazivih razloga krajnje hitnosti, prouzrokovanih događajima nepredvidivim za Ugovorni organ, zbog čega se nisu mogli ispoštovati Zakonom o javnim nabavkama utvrđeni minimalni rokovi za otvoreni, ograničeni, pregovarački postupak sa objavom obavještenja, niti za konkurentski zahtjev za dostavu ponuda i okolnosti koje je nametnula pandemija korona virusa (Svjetska zdravstvena organizacija je 11.03.2020. godine službeno proglasila pandemiju, Vijeće ministara BiH je donijelo Odluku o proglašenju stanja prirodne ili druge nesreće na teritoriji Bosne i Hercegovine 17.03.2020. godine, Vlada FBiH je donijela Odluku o proglašenju stanja nesreće zbog coronavirusa na području FBiH 16.03.2020. godine) objavljen je poziv za dostavu inicijalnih ponuda u pregovaračkom postupku bez objave obavještenja o nabavci za nabavku sredstava za dezinfekciju za potrebe Uprave policije Ministarstva unutrašnjih poslova Kantona Sarajevo.

Postupak je pokrenut u svrhu poduzimanja najviših mjera zaštite stanovništva i u svrhu sprječavanja, zaraze koronavirusom. Naime, neophodno je izvršiti hitnu nabavku sredstava za dezinfekciju u svrhu postupanja u skladu sa mjerama Kriznog štaba Ministarstva zdravstva Kantona Sarajevo i naredbama Federalnog štaba civilne zaštite, s obzirom na nastalu situaciju hitnosti u prevenciji i zaštiti svojih zaposlenika (policijskih službenika, državnih službenika i namještenika), a istovremeno i u cilju adekvatnog očuvanja unutrašnje sigurnosti, a kako zaposlenici ovog organa uprave konstantno u

vršenju svojih radnih zadataka dolaze u kontakt sa velikim brojem građana, čime su izloženi većem riziku od zaraze, te zbog potrebe hitnosti za reakcijom u svrhu prevencije i zaštite. Izvršen je pregled i ocjena dostavljene inicijalne ponude. Konstatovano je da ponuđač ispunjava uslove za sudjelovanje u drugoj fazi postupka – pregovaranju.


Na zakazanim pregovorima ponuđač nije odobrio popust. Ovlašteni predstavnik je konstatovao da je ponuđena cijena manja od procjene vrijednosti javne nabavke, te da je ponuđena cijena i tržišna. U skladu sa pozivom ponuđač je izjavio da inicijalnu ponudu smatra i konačnom ponudom. Pregovaralo se i o uslovima ugovora. Dogovoreno je da će predmetna roba biti isporučena u što kraćem roku, a najdalje u roku od 5 (pet) dana od dana obostranog potpisivanja ugovora. Ponuđač je istakao da su u ponudi naveli rok plaćanja 60 dana od dana dostavljanja fakture, a da je ugovorni organ u pozivu naveo rok od 15 dana. Duži rok su dali iz razloga što shvataju kompleksnost situacije u kojoj se nalazi ugovorni organ, a s obzirom na novonastalo stanje u državi i svijetu. Ugovorni organ je prihvatio ovaj rok plaćanja. Takođe je dogovoreno da će se svi eventualni sukobi i nesuglasice rješavati dogovorom.

Izvršeno je poređenje cijena konačne ponude sa tržišnim cijenama i utvrđeno je da ista nije veća od uporedive tržišne cijene, zbog čega je konačna ponuda prihvaćena i data je preporuka od strane komisije da se ugovor dodijeli ovom ponuđaču.

Ponuda navedenog ponuđača sadrži sve elemente tražene pozivom za dostavu ponude, odnosno ispunjava sve formalno-pravne i druge uslove i shodno utvrđenom kriteriju “najniža cijena” ispunjava sve zahtjeve ugovornog organa.

Cijeneći naprijed navedeno, a u skladu sa Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



**POLICIJSKI KOMESAR**  
**Generalni inspektor policije**

**Nusret Selimović**

**Dostaviti:**

1. Komisiji za sukcesivne nabavke
2. Ponuđač
3. Odjeljenju za odnose s javnošću, radi objave na web stranici ovog organa
4. a/a